

قناة المصرية الفضائية | أسامة كمال | 1102-11-42 | الشيخ

حازم صلاح أبو اسماعيل

حازم صلاح أبو اسماعيل

برحب بضيبي الكريم الاستاذ حازم صلاح ابو اسماعيل المرشح المحتمل لرئاسة الجمهورية. استاذ حازم اهلا بحضرتك. اهلا وسهلا. يعني متشوقين كنا اللقاء ده حضرتك منورنا في الاستوديو يعني يمكن حضرتك شفت معنا في اللقطات اللي فاتت واحنا كنا بنلتقي - [00:00:02](#)

مصابي الثورة وقد ايه هم ناس من البسطاء اللي كانوا موجودين يعني لو ناخذ كده تعليقك السريع على المجموعة اللي احنا شفناها قدامنا دلوقتي يا ريس اه بسم الله الرحمن الرحيم. اولاً انا سبحان الله سعيد جداً بهذا اللقاء. ومعتبر ان هو جزء من القدر لانه طبعاً ده موعد احنا يمكن متفقين عليه من اكثر - [00:00:20](#)

من شهر كامل او خمس اسابيع ربنا اراد انه يبجي في ليلة آآ يعني الحقيقة ساخنة وحاسمة اعتبر ان ده جزء من القدر انه آآ يتوافق الميعاد مع هذه الليلة وسعيد بلقاء حضرتك. اهلا بك - [00:00:41](#)

اه المسألة الثانية انه هؤلاء الناس الحقيقة آآ هم عندي انا شخصياً الناس اللي آآ يعني مجهدين لقلبي اكثر حتى من غيرهم اكثر حتى يعني الشهيد الذي قتل في احداث خمسة وعشرين يناير ذهب الى ربه ينعم بما عند الله انما دول نزلوا واصيبوا وعاشين يتوجعون - [00:00:59](#)

مما الاجر عند الله ايضاً. كبير لا شك في ذلك. لكن الحقيقة يجب ان احنا يعني نكون معهم ولهم باقضى ما نستطيع لان دول اللي موجودين في اسأل الله سبحانه وتعالى انه يكرمهم. وخصوصاً ان في بعضهم اصيب ثم مع الاسف اعيد واصيب اصابات فادحة - [00:01:26](#)

لغة يوم السبت اللي فات. نعم يعني مسألة ما اعرفش فيه حد يجهز على جريح مسألة غير عادية الحقيقة يعني طيب استاذ حازم خرينا ندخل كده في في موضوعاتنا كنت انا في تقدمتي بقول - [00:01:46](#)

اخطأ من لم ينزل ميدان واخطأ من نزل الى الميدان للدعاية لنفسه او للاثارة حضرتك من الشخصيات السياسية البارزة القليلة التي تواجدت في الميدان بعد الجمعة اللي حضرتك دعيت لي الجمعة اللي فاتت - [00:01:58](#)

حضرتك اخطأت بنزولك الميدان ولا كنت على صواب في انا نزلت الميدان ولا زلت في الميدان ودعوت الى نزول الميدان ولا زلت ادعو الى نزول الميدان واعتبر ان كل من يتخلف عن الوجود في الميدان الان يعني عليه ان يراجع معاني كثيرة جداً وكبيرة - [00:02:18](#)

لانه احنا امام آآ دماء كثيرة. الناس يوم الجمعة شعب الوطن الناس العادية كانت على مستوى المسؤولية ومحترمين وعادوا الى بيوتهم وكفلوا الهدوء للوطن وكان المفترض ان السلطة القائمة تكون على نفس المستوى او على نصه او على ربه او على عشره - [00:02:38](#)

في كفالة هذا الهدوء ما حدش بات في ميدان التحرير الا المساكين دول اللي هو سبق اصابتهم فكون وتجتري السلطة العسكرية والقوى الالة آآ آآ الات السلاح انها تقتحم ميدان التحرير عشان خمسين - [00:03:00](#)

مسكين مصاب وتقتحمه وتوقع في اليوم الاول من الاحداث بس وده القدر اللي اعترفوا به سبعمية وخمسين شخص بين جرحى

وبين قتلى سبعمية وخمسين في اليوم الاول فقط فدي مسألة الحقيقة لا يمكن انها تقبل. فمين ده اللي يقول ان فيه خطأ بمن نزل
يغيث الناس امال نسيب الناس - [00:03:17](#)

بالناس يعني هل الناس دي على وجه الخصوص انا مش عارف حتى هو مطلوب انه يحقق نتيجة ولا مطلوب ان احنا ننزل للمساكين
شف يا استازي لو حضرتك وربنا يعافيني ويعافيك - [00:03:44](#)

لو اللي موجود في الميدان اللي اتقال لك انه بيجرح او بيقتل ده ابنك او ابني مش هتسب الحسابات دي. لانه ابنك اللي انت شفته
وليدا ورضيعا وصغيرا بيكبر قدامك تشوفه بيقتل - [00:03:59](#)

هتلحق تنزل له الذي كنت اراه ولا زلت هو انه شرف اي انسان ان ابن غيري مش مش ما هواش غير ابني وانه اللي يحصل في
الميدان لكان فيه حد في شارع محمد محمود ولا حد معه طوب ولا حد بيروح الداخلية ده ناس جرحى ومصابين نايمين في الخيانة
- [00:04:13](#)

تقتلهم ليه تدبجهم ليه ؟ انا انا كان قصدي من السؤال هل اغناهم ام نزلنا اعتراضا على ما حدث لهم فقط ولم نغيثهم في اننا
ناخذهم في حضننا وده برضو هيخليني اقول طب احنا ما خدناهمش في حضننا طول الفترة اللي هم موجودين فيها ليه ؟ او مال
الاحضان اللي قتلت تاني يوم وتالت يوم ورايع - [00:04:33](#)

دول كانوا ايه ما هو اللي لما لما المجلس العسكري ادخل قواته يوم السبت ما اكتفاهش بيوم السبت ده رجع دخلها تاني الى قلب
ميدان التحرير يوم الحد. مم. الظهر وقتل اخرين وجرح اخرين. ورجع نزلها تالت الى قلب ميدان التحرير الى الصينية يوم الاثنين -
[00:04:55](#)

وقاتل اخرين وجرح اخرين. هم. مش الناس اللي في ميدان التحرير هم اللي سخنوا. ده دول الناس اللي لقوا لحد واثنين. مين اللي
مساء الخير. فحضرتك بتقول لي هل خدناهم في حضننا؟ نعم احنا وجدنا ناس جرحوا في احداث الشرف في خمسة وعشرين يناير.
هم. وموجودين - [00:05:16](#)

النهاردة قدام دبابات ولا مدرعات ولا ما اعرفش سلاح نوعه ايه. فشيء طبيعي ان نقول للناس كنا نتمنى نلم ما احنا لمينا حاولنا نلم
لكن هناك خطة سلطوية مسبقة لتسخين الامور. هم - [00:05:36](#)

طب الناس يعني لما اجرينا كده بعض استطلاعات الرأي لقينا ان بعض الناس يمكن النسب الناس مقسومة. شايفين ان لأ ده الناس
بتسخن اكثر. لأ ده الداخلية والمجلس العسكري بيسخنوا اكثر. فالناس من - [00:05:53](#)

ده مش كلامي لكن ده الكلام اللي نزلناه في الشوارع البعيدة عن ميدان التحرير اه لان اللي جوة ميدان التحرير اكيد قناعاته كاملة
ومكتملة والا ما كانش راح وبيت وعرض نفسه - [00:06:08](#)

فيما يتعرض له بعض الناس الثانية شايقة ان السادة القائمين على السياسة سواء الراغبين في السياسة او كل من يرغب في ان يكون
رئيسا للجمهورية او يكون له منصب سياسي - [00:06:21](#)

هم اللي بيدفعوا دفعا لهذه الاحداث انها تحصل كل واحد له بيدفعوا دفع النوم عملوا ايه ؟ دول راحوا ناموا في بيوتهم يوم الجمعة
بالليل دفعوا دفعا عملوا ايه احداث وقعت والناس اللي حضرتك بتتكلم عنهم دول كلهم نايمين في بيوتهم وهادئين وقالوا للناس
اهدأوا. الشعب المصري كان هادئ ونائم في بيوته - [00:06:32](#)

عمل ايه ؟ اصل الكلام الفارغ طبعا عارف حضرتك بتنقله مش كلامك يعني بتنقل رأي لفصيل من الناس. الكلام الفارغ من المضمون
اللي ما لوش محتوى سهل يعني ايه بيسخنوا دول كل الناس دول خطبوا خطب متسجلة على الانترنت عاصماه انه يا جماعة ارجعوا
ونريد ان نكفل الهدوء للبلد وللوطن وو انما - [00:06:54](#)

تاخذ حالة الهدوء اللي الشعب بيقدمها لنفسه علشان الحراك الدستوري يحصل. وتحدث هذا وبعدين تقول ان دول بيدفعوا
وبيسخنوا بيدفعوا بانهم قتلوا بيدفعوا بانهم ضربوا بيدفعوا بانهم اطلق عليهم النار - [00:07:16](#)

يعني الحقيقة كمان بنقول ان ان اهل السياسة كلهم رجعوا يوم الجمعة تمتاشر مع نهاية اليوم وبالتالي ما كانوا موجودين فيما

حدث من احداث للشباب اللي موجود في الميدان حاسس ان التيارات الاسلامية رغم ان حضرتك زي ما بتقول متواجد كل يوم وانا شفت لحضرتك - [00:07:32](#)

يعني شفتك تلفزيونيا اكثر من مرة موجود في الميدان مش محتاج ان حضرتك تؤكد تواجدك دي بيقولوا ان التيار الاسلامي لم ينصرهم. شعروا بخيانة التيار الاسلامي. هل هي بعض التيارات الاسلامية؟ ولا كل - [00:07:55](#)

التيارات الاسلامية ولا البعض بيبقى ينسحب على الكل المسألة الان الحقيقة انا عايز يعني اعلو اكثر من كده هو المسألة الان ايه حكاية سياسيين وتيارات الموضوع ليس فيه لا سياسيين ولا تيارات حاليا - [00:08:10](#)

ما فيش حاجة اسمها تيار سياسي وتيار ليبرالي وتيار يساري وتيار احنا امام يا استاذي الفاضل احنا الان امام وضع في منتهى الخطورة ان انا عندي سلاح لا يزال في يد السلطة التي قتلت وجرحت - [00:08:26](#)

ما لهاش دعوة بالطيارات انا كل اللي انا عايز اقله انه هذا السلاح ينزع ممن يقتلون ويضربون مسألة يقولها التيار الاسلامي يقولها التيار الليبرالي يقولها الاشتراكي انما آآ انما اللي ينزل الميدان الان لا يمكن يفرق - [00:08:41](#)

بين واحد واحد كلهم موجودين فعلا. موجودة بقوة. كله موجود. انزل حضرتك شوية. ليه الشباب بيقولوا لا ده الاخوان لا ده التيار الاسلامي مش موجود لا ده الكسافة اللي كانوا لو كانوا موجودين ما كانش حصل لنا كده. لا غير صحيح. لا لا هو يقصد السبت الصبح ولا بعد كده ما هو - [00:08:59](#)

في الايام التالية جماعة الاخوان مسلا اعلنت عن جماعة الاخوان لها آآ نظرة وهذه النظرة آآ يعني بتحسب بها اعتبارات معقدة ضد بعضها. مع اصل اعتبارات الموقف دلوقتي اعتبارات معقدة - [00:09:19](#)

هو حضرتك شايف انه اعتبارات الموقف حاليا اعتبارات مبسطة دي معقدة جدا. مم. لان انت عندك انتخابات برلمانية بعد تلت تيام. مم وعندك مجلس عسكري لا يمكن يستمر تحت اي سلطة اي تحت اي بند ومعه سلاحه في يده الذي ثبت انه قتل بقت فيه بينه وبينه - [00:09:38](#)

الشعب قضية دماء. لا يعني ازاى ما يبقاش معه سلاح وحضرتك عايز تجرد الجيش من السلاح؟ سلاحه ده ضد عدو اعداء الخارج مش ضد الداخل. كلمة سحب مش فاهمها. يعني لا لا انا لا اقصد السلاح اللي هو بندقية ومسدس. اه - [00:09:57](#)

انا اقصد سلاح التسلط على الناس ان هو ما الجيش ده لازم يظل جيش محترم جيش قوي قوات مسلحة تحمي الوطن كل شيء السلاح على اعداء الوطن انما ان يظل موجودين مثلا في بداية التحرير للجيش بيقول انهم كانوا خمسين واحد - [00:10:12](#)

يصبحوا بكرة وبعده وبعده تحت آآ يعني آآ تحت النيران او تحت سلطة السلاح اللي ضربهم امبارح طبعاً ده مستحيل ازاى الناس تقول له روح ورجع وخلي الوضع زي ما كان عليه مستحيل. لازم تضمن لي اولا ان السلاح الذي قتل بالامس وجرح بالامس - [00:10:32](#)

لا خلاص ما عدش هيفضل موجود انا بسأل سؤال عن القنابل الغاز وللقنابل المسيلة للدموع اللي مكتوب عليها بالعبري. علي حضرتك اللي مكتوب عليها بالعبري دي معلش مع مع احترامى - [00:10:53](#)

الصورة لقيناها على الانترنت موجودة لوحدها في موقع تاني واتحطت الصورة يعني هذه الصورة انا اعلم شخصا ان الصورة دي مش حقيقية لا يعني انا شفت حضرتك مسكت العبوة في ايدك انا شفت العبوات التي اوتي لي بها في ميدان التحرير. ومكتوب عليها ولذلك انا اللي انا قلت - [00:11:05](#)

كان مكتوب عليها بالعبري في ايدي. في ايدك. انا هاقول لحضرتك اهو. انا دلوقتي كنت باقول ايه ؟ انا باقول انا باسأل ولزلك انا مش بقول النتيجة انا قلت انا بس انا بسأل المشير حسين طنطاوي والفريق سامي عنان. هل تستوردون من اسرائيل - [00:11:25](#)

قنابل غاز وقنابل مسيلة للدموع يقولوا ايوة او لا. مم. يقولوا مصدر القنابل التي ضربت من اين يؤتى بها. مم. بهذه الصورة. هو اللي عليه ان وانا اللي اقله وهو يكذب انا ما بقولش ولا يكذب ولا انا بتكلم بس فقط على صورة الانترنت لان انا لقيت الصورة دي موجودة على احد المواقع ثم تم فبركتها - [00:11:44](#)

حتى لو جابوها لي في ايدي ما هي ممكن تكون مدسوسة. انا ما باقولش لأ القنبلة القاها حد تاني. انا ولزلك انا بأسأل سؤال لا ما فيش حد تاني. ما حدش - [00:12:04](#)

بلطجية. مم. ما حدش يقول لي ما فيش حاجة اسمها البلطجي ده شخص بينزل يجيب مصلحته بسلاحه الوضع الحالي لا يمكن بلطجي ينزل لانه خايف على حياته ما فيش بلطجية. الموجودين لا يوجد في احداث زي دي احنا احنا هبل خلاص. بلطجية ايه - [00:12:14](#)

في بلطجي. البلطجي ده بينزل ياخذ له ميت جنينه متين جنينه بسكينة. هم. انما في الوضع ده ما ينزلش. ده علشان الف الفين عشر تلاف ايام ما ان شاء الله ياخذ سندوتش من تلميز في المدرسة بالبلطجة هات يا واد السندوتش - [00:12:32](#)

انما البلطجي اول ما يلاقي الوضع بهذه الصورة ما ينزلش اساسا لانه ده راجل عايز حياته دول نازلين بدفع من احد وتجاربنا وكل الناس يعرفون انه ضباط المباحث هم اللي معهم البلطجية معهم كشوف بهم وبعناوينهم وبيستخدموهم وهم - [00:12:47](#)

اللي كانوا بيستخدموه في الانتخابات حضرتك بتقولها كمعلومة يعني حاسمة واضحة رأيناها بدل المرة عشرة وعشرين مرة مش مسألة يعني مش حاجة عايز عايز ارجع مع حضرتك لان يعني يمكن انا اسف اني قاطعتك واحنا كنا بنتكلم عن الوضع المعقد يعني احنا بنتكلم على الوضع المعقد الذي ادى بجماعة الاخوان المسلمين انها تعلن عدم تواجدنا - [00:13:05](#)

ثم يمكن يكون فيه تواجد لبعض التيارات الاسلامية الاخرى ولكن ليس بنفس القوة وليس بنفس الكثافة. وعلى سبيل المثال الجماعة الاسلامية في تواجدنا. رأي حضرتك كنت كنت بتقول لي يعني ايه - [00:13:25](#)

هذا هذا التعقيد الذي يدفع به تعقيد بمعنى ان هناك مصالح لأ مش مصالح اعتبارات كثيرة يعني انت خايف ان الانتخابات البرلمانية تدار وفي نفس الوقت عايز الامور تهدأ وتعود - [00:13:39](#)

وفي نفس الوقت لو هديت وعدت يبقى معنى كده ان السلاح اللي قتل امبارح لسة في ايد القاتل ممكن يستخدموا القتل بكرة. فانت مش بتحاسب على شيء سبق انت بتحاسب - [00:13:55](#)

خوفا من تكرار ما حدس. يعني النهاردة افرض ان انا حبيت اهدئ الناس واقول لهم روحوا الميادين من الميادين يروحوا ولا يزال السلاح في ايد القاتل اللي قتل سبت وحد يعني حضرتك فهم الناس تقول لهم روحوا. لأ انا الان - [00:14:07](#)

المطالبة كلها موجهة الى السلطة السلطة هي اللي عليها ان تعرف هذه المفردات وهي تقدر تحلها. تقدر تحلها في ساعة. هم يقصدون عدم حلها واللي يقصد هذا صراحة هو القادة الكبار فيهم. هم. مسألة واضحة. انما انا انا ما باقول لهم انا باقول له انت تستطيع تحل في ساعتين اتنين بس - [00:14:24](#)

ساعتين اتنين واحنا امبارح ومش سر امبارح احنا قعدنا في اجتماعات من ستة مساء مش مع السلطة العسكرية مباشرة. لكن قعدنا في اجتماعات من ستة مساء لغاية ثلاثة صباحا في اجتماعات - [00:14:46](#)

متتالية. مع مين ؟ مع كتير مش ما فيش داعي للذكراه اللي ذكرهم يعني هيئات او جهات ذات ثقل وتتكلم مع السلطة العسكرية وتأتي بالردود من قبل السلطة العسكرية من ستة مساء لثلاثة صباحا وتسع ساعات والتسع ساعات دول وصلنا فيهم الى حلول - [00:14:58](#)

وصلنا فيهم الى انه الناس الموجودة ممكن تهدئة الوطن باكملة عن طريق اجراءات مبسطة جدا يصدرها المشير حسين طنطاوي او الفريق سامي عنان. اهمها ايه يا استاز حازم ما هي شف حضرتك عشان يبقى الكلام واضح كمسئولية عن البلد. احنا الوقتي امام ثلاث فئات او ثلاث اعتبارات في الموقف - [00:15:26](#)

قدامنا الناس اللي في ميدان التحرير دول ناس سخنين جدا شافوا الدم شافوا الاشلاء شافوا البهدة الغاز شافوا شافوا قدامنا جمهور الشعب المصري اللي يتمنى ان الامور تهدى. وان البلد ما تولعش. وانا واحد منهم لانه اي مسئولية عن اي - [00:15:49](#)

قدر من الشعور بالمسئولية عن بلد بيقول انه لازم على اي حال البلد تهدأ. ما ينفعش تبقى بهذه الصورة وعندنا الجانب الثالث اللي هو قدر هذا الوطن اللي هو مستقبله اللي هو انه تتسلم السلطة لسلطة منتخبة - [00:16:11](#)

لما تيجي تحب تدرس مزبوط كشخص مسئول عن بلد وتحب تشوف يا يا مسؤولين عن البلد النهاردة وتحب تشوف لازم تواجه العناصر دي مضبوط مش تلعب بعيد عنها. ما تقوليش احنا هنشيل عصام شرف ونجيب كمال الجنزوري ولا ايه؟ لا لا الوزارة والكلام ده اهلا وسهلا. انا مش مدايق. بس - [00:16:27](#)

مش الخط الرئيسي امام الخط الرئيسي ايه بقى؟ اعالجه اولاً احنا هذا الشعب صار مشكلة اصبحت في شخص المشير حسين طنطاوي وفي شخص الفريق سامي عنان في شخصهم اللاتين. انه اصبح بينهم بين هؤلاء وبين الشعب المصري دم. طب لأ ما انا هكمل. انا انا - [00:16:47](#)

هسأل بس في الحقة اللي حضرتك قلتها يعني قالوا نشيل عصام شرف ونحط كمان الجنزية. طب لو يشيلوا عصام شرف ويحطوا حازم صلاح ابو اسماعيل. ولا لها لازمة. هي هي يعملوا. انا مش متضايق من ده. ده - [00:17:07](#)

مش صلب الموضوع. هم. ده لعب في الهامش يعني الهوامش دي كلها دي هوامش. انما كلمني عن الحاجة الاصلية حاجة عشان مش انت عايز مش عايزين نحل يا جماعة مسئولية عن ناس موجودة في الشوارع. هو انت حضرتك متصور ان الناس اللي في الشوارع دي يقدر اي انسان ينزل دلوقتي يقول لهم روحوا - [00:17:20](#)

وهم شايفين انا ما اقدرش اقول لهم روحوا مستحيل ولا ارضى على كرامتي اني اقول لواحدة ست بتصرخ لان ابنها قتل قدامها ما اقدرش اقول لها روحي احنا بنكلم امهات واباء اقول له ازاي؟ وانا اخشى على نفسي انه يبتليني ربنا في ابني ويبتلي اي حد في ابنه يقول للناس العقوا دماء ابناء - [00:17:40](#)

وروحوا ازاي؟ لازم تحل كده بقول مشكلة هذه الدماء سهلة سهلة يقدرها يحلوها يقدرها يحلوها بانه وانا ذكرت هذا الكلام بمجرد صدور بيان المشير طنطاوي قلت لهم انه المسألة بسيطة جدا - [00:18:01](#)

القوة اللي في ايد وزارة الداخلية دي هذا الجهاز الذي اثبت انه لا يزال يباشر الاجرام طولها لجنة قضائية ومن رموز وطنية من تلت تنفار ولا اربع تنفار يشترط توقيعهم على - [00:18:18](#)

تحرك قوات مكافحة الشغب. وانت يا مجلس يا عسكري بما لك من سلطات دستورية وسيادية تصدر القرار بلجنة. هم. قررنا تشكيل لجنة من فلان وفلان وفلان لجنة قضائية علشان ما يطلعش المجرم بسلاحه يقتل مرة ثانية. هل في رأي حضرتك وده يعني الفكرة في حد ذاتها فكرة يعني مستساغة جدا وفكرة - [00:18:34](#)

هل الفكرة دي لانها فكرة يعني لو اتقالت للنصف ميدان التحرير بيقول لك ها لأ مش فاهم مين السلطة؟ ده صحيح. واضمنهم مين؟ ده صحيح. يعني هو دلوقتي مش فاهم وانا معه في انه مش فاهم. بل انا معه في انه يستغرب الفكرة - [00:18:56](#)

لكن لما يلاقي ان ما عدش فيه حد معه سلاح هيطلع عليه الا بامر قضائي بدءا من النهاردة يفهم. يدرك ان وبيعض الناس يا سيدي الفاضل دول ناس في اصول بالمسألة - [00:19:14](#)

عارف اللي بيحمرق في اللعب وفي النتائج يعني مسلا اجماع الفصائل الوطنية اللي بيسموها ولا على تسليم السلطة لتلاتين ابريل يطلع حسين طنطاوي يقول لك لأ تلاتين ستة ايه عشان وبعدين بنقول لهم طلّعوا القرار مش اعلان ما انتم لاعقتم اعلاناتكم قبل كده. طلع القرار الرسمي وانشره في - [00:19:30](#)

الجريدة الرسمية تاريخ تلاتين ده سببه بس يعني حضرتك صاحب كلمة تلاتين ابريل يوم الجمعة سببه واضح جدا انك ما تقدرش تعمله قبل كده ولا بعد واحد مايو في ماله او او خمسة مايو او تلاتين خمسة بنهزر لا هل - [00:19:55](#)

خمس حلو خمسة احنا مش بنهزر. تلاتين ابريل حدد على اساس عدد اشهر محدد؟ محدد على اساس مسبب اولاً تلاتين ابريل ده ده بينه وبين اليوم اللي اتقال فيه سبع شهور لقدام. ده اتقال في اخر تسعة. يعني بندي مسافة سبع شهور يعني مش ناس مستعجلة ولا متوترة - [00:20:15](#)

ولا بسرعة ولا الحقوا سبع شهور من تلاتين مارس لتلاتين ابريل وهو تاريخ ليه؟ لان اللي يتشرح لرئاسة الجمهورية محتاج ياخذ آآ اذا اراد يعني آآ آآ توقيعات من نواب في المجلس الشعبي ومجلس الشورى - [00:20:37](#)

فبالتالي ما تقدرش تفتح ما تقدرش تفتح الباب لانتخابات الرئاسة الا بعد انتهاء مجلس الشعب ومجلس الشورى الا لو غيرنا وده

اقتراح وارد غيرنا انما مش عايزين نغير هذه الاستقرار يبقى بعد الشعب والشورى - [00:20:55](#)

الشعب والشورى هيخلص في اول مارس في اول فقلنا خلاص يبقى بعدها بعشر تيام بيتدي يعني بيتدي التقديم ما دام هتقدم في خمستاشر مارس مسلا يوم خمستاشر مارس فقلنا يبقى من خمستاشر مارس لخمستاشر ابريل فترة دعاية فترة انتخابات -

[00:21:11](#)

فترة طعون فترة تنازلات فترة اي حاجة اعلان كشوف. وبعدين تجري الانتخابات اخر ابريل فييجي يقول لي طب ليه اخر ابريل ما تخليها اخر مايو ما تخليها اخر يونيه علشان ايه - [00:21:30](#)

عايز ايه من الوقت وانا بقول لحضرتك اهو وانا اعلم وعلى فكرة انا عارف وهم عارفين. انا فاهم وهم فاهمين. وهم فاهمين ان انا فاهم وانا فاهم ان هم فاهمين - [00:21:44](#)

مش فاهم. انا وانا مش هقدر اقول دلوقتي الفرق بين ان ايه؟ ان الفارق بين ثلاثين ابريل وتلاتين يونيه فرق كبير جدا وانا اعلم وانا فاهم وهم فاهمين زي ما باقول. مش هاقول دلوقتي ما هو انا مش فاهم ملايين قدام الشاشة مش فاهمين وعايزين يفهموا -

[00:21:56](#)

الفارق الثاني ان هو بيطلع تلاتين ابريل تلاتين يونيه بكلام عمومي ليه؟ بيان ليه احنا قلنا بيصدر القرار من الان قرار له رقم ينشر في الجريدة الرسمية يصبح خلاص قرار علشان الناس تبني على امور واضحة - [00:22:16](#)

يصدر يقول ان يا جماعة يوم خمستاشر مارس يبدأ التقديم ويوم خمستاشر ابريل تجري الانتخابات. وليه الانتخابات؟ مش علشان الانتخابات الرئاسية. لكن لان تسليم السلطة فرعين معناه فرعين معنا انتخابات برلمانية وانتخابات رئاسية. اذا تموا الفرعين تقدر

تسلم السلطة - [00:22:36](#)

وعلى فكرة انا عايز اقول للمجلس العسكري حاجة احنا مش عايزينه يمشي ليه؟ لان انا هم ببيعوتوا لنا دلوقتي ليه لعبة لعبة لعبة لعبة هو هو. ببيعوتوا لكم كمين. ببيعوتوا فتن ولعب لمين؟ للناس اللي في التحرير. هم - [00:22:57](#)

بيعت له يقول له ايه طيب مجلس رئاسي مدني يقوم يسوق الفكرة شوية. طيب حكومة انقاز وطني طب المحكمة الدستورية الكلام ده يعني لأ حدود علمي ان ده خارج من التحرير صحيح ده خارج. اه ده صحيح بس الافكار دي كلها ليه تمارس - [00:23:13](#)

الفتن لانك بتنقل الى جهة اخرى وانت عندك تقدر تعمل حكومتك المنتخبة بعد اربعين يوم مجلس الشعب يخلص بعد اربعين يوم يصبح عندي برلمان برلمان الشعب هو اللي مختاره وهو اللي يقدر يعمل حكومته المستقرة - [00:23:32](#)

احنا بنتكلم يعني حضرتك مش مع اقالة حكومة الدكتور شرف تستمر لحد ما نخلص خلاص ده بقى من تالت ايام كان ممكن الكلام ده. هم. انما هم يعينوا انا يعني - [00:23:47](#)

يعني اي حكومة هتبقى موجودة هي موجودة لزرف يمكن شهرين او اقل عشان خاطر بعد ما يتم انعقاد مجلس الشعب خلاص هيبقى التي كانت قائمة ارتكبت جرائم هائلة لا شك في ذلك - [00:23:57](#)

لا شك بكون هتمشي وعلى وكون والنقطة الجوهرية حساب الناس مين اللي عمل كده مين اللي عمل هذا؟ من الذي اصدر القرار لغاية دلوقتي مش عايزين يقولوا من الذي ايه اللي بنعتذر النهاردة مطلعين اعتذار متأسفين يعني ايه متأسفين - [00:24:12](#)

ما هو يعني هو يصدر اعتذار نزل ما يصدرش اعتذار نزل مش عايزين اعتذار انا بقول لحضرتك مش تحقيق ما هو قالوا فيه اعتذار وتحقيق. تحقيق بقى دي النقطة مش يجريه عبدالمجيد محمود. ما هو كل تحقيقاته معيبة. احنا شايفين اهو التحقيقات اللي

يجريه مين؟ تجريه ما هو دي بقى من مطالب التي لابد ولم يبقى الا - [00:24:31](#)

ساعات يا يلحقوا نفسهم يا الامور هتتطور تطور غير عادي تطور غير عادي الشارع ليس هناك لابد ان تكون التحقيقات التي تجري تجريها رموز قضائية معروف انها رموز شريفة ووقفت قدام الصوت حضرتك محامي فتقدر تقول لنا بعض الاسماء لانك عارف القضاة

احنا مش عايزين حد من برة قضاة - [00:24:53](#)

وانا لن اتورط في هذا اللقاء بذكر اسماء ليه ؟ مش عايز اورط حضرتك. انا سعيد على فكرة بالحوار بتاع حضرتك والحقيقة على مستوى في منتهى الرقي ربنا يبارك فيك يا رب - [00:25:17](#)

يعني حتى على الاقل على باب من باب المقارنات كمان فهو يعني فانا عايز اقول انا ليه مش هذكر اسماء لان انا ما نيش آآ ما نيش شخص غافل الاول يستجيب للمبدأ - [00:25:31](#)

وبعدين نطرح اسماء انما عايزني اقول اسماء دلوقتي والمبدأ لا يزال ليست عليه موافقة علشان نخش في لعبة لأ هاتوا آآ يشيلوا فلان وخطوا فلان مم. لأ هو الاول يقول نعم انا موافق على لجنة - [00:25:46](#)

يصبح سلاح الداخلية لجنة قضائية. هم. ويصبح سلاح الاعلام بيد لجنة قضائية. ويصبح التحقيق في الجرائم بيد لجنة قضائية تصبح المحكوم عليهم عسكريا اللي سحبوهم وضربوهم وعذبوهم وكشفوا على عذرية بنات ووقفوا برامج تبقى في لجنة قضائية - [00:26:00](#)

في المحكوم عليه ومش عارف دول زباط جيش ودول زباط شرطة ودول مصابين ودول تصفي الاحكام العسكرية دي ويطلعوا الناس مش يبقى اللي اللي يفكر بدماعه بقى لنا تسع شهور بنضربه ولا عشر شهور واحنا ساكتين - [00:26:20](#)

اذا استجابوا اهلا وسهلا اذا ما استجابوش يتحملوا اللي هيحصل. واللي هيتحملوا اللي هيحصل مش تهديد لواحد مسلا آآ بيسخن ولا يببرد. لا ده قراءة الوقت انزل حضرتك واقرأ بنفسك - [00:26:34](#)

اللي حضرتك بتقوله كقراءة للواقع كتهديد يعني يعني كل اللي حضرتك قلته ده ليس تهديد ده قراءة للواقعة بتقول ده النهاردة كمحلل للوضع. لأ انا انا عمري ما اكون محلل في مثل هذا الوقت انا جزء من هذه الكتلة البشرية. مم. جزء وساكون من - [00:26:48](#)

ضمن اللي يؤكد هذا هذا اللي انا ذكرته الان. هم يعني انا انا مش قاعد على الرصيف لا ماسك ميكروفون بعلق واقول بور ودخل ورا هات ورا عملها عكسية لأ - [00:27:08](#)

احنا كتلة بشرية لابد ان نعرف ان احنا في اعناقنا الان مسئولية. انتخابات لازم تتم. حكومة لازم تكتمل. سلاح الداخلية لازم يصبح مش في ايد الداخلية لانها ولا في ايد الملعب. انتخابات عايز عند اول نقطة حضرتك قلت انتخابات لازم تتم. وواضح جدا ان هناك اصرار عند بعض الاطراف من ضمنها المجلس العسكري - [00:27:20](#)

ومن ضمنها التيار الديني لاجراء الانتخابات وهناك اصرار من جانب الشباب اللي مشتعلين في ميدان التحرير وغيرهم من الفئات بيقول ازاى تتم الانتخابات دي ؟ بالتالي لا يمكن انها ويمكن انا نقدر نعرض هستأزن حضرتك كده استطلاع رأي سريع اللي هو استطلاع الرأي الرابع للاستازة نجوى لاستطلاع الرأي - [00:27:44](#)

اللي هو بيتكلم عن هل الانتخابات يجرى الان آآ او لا تجرى يعني لغاية ما هيتم تحضيره اعتقد ان حضرتك لو شفته معنا هيدي لك ده لكن اسمع اجابة الاستطلاع. شف سيد - [00:28:08](#)

انا ما وصلتش بعد لا انا ولا حضرتك ولا حد من السزاجة اني اقدر بعد اربعين يوم بس اعمل حكومة الشعب هو اللي مختارها ويوفرها فانا بدل من كده يقوموا يقتلوا لنا ناس يوم السبت ونقوم احنا لاغيين الحكومة اللي هنعملها باصواتنا. ما وصلناش سزاجة كده - [00:28:25](#)

واجيب حكومة تقعد لي خمس ست اشهر فترة انتقالية تانية. انا ما برتبش فترات انتقالية تانية. هم. انا عايز اوصل للوضع النهائي الواضح القاطع اللي بناء على طلب الناس الشباب اللي في التحرير بيقولوا كده معزورين معزورين بلا شك لان هو شايف انه مش قادر يسبب المجلس العسكري ولا دقيقة. لكن لما يعرف ان شاء الله - [00:28:46](#)

وانا بازن الله تعالى اعتقد ان احنا نستطيع ان نكفل هذا تماما ما فيش اي مشكلة اما يعرفوا ان الغرض اللي هم عايزينه الشباب عايزينه نكفل انه الطلبات اللي اللي خايف منها ميدان التحرير تتحقق وبدون - [00:29:08](#)

بدون نقل لجهة تانية نكفل مازا؟ فتنة النون بتاعة نكفل نعم. نون نكفل من الزي يكفل. يعني عايز تقول ان نكفل انا ولا نكفل. اللي حضرتك عايز تقوله. لأ انا بسأل التحرير يستطيع ان - [00:29:27](#)

يكفل هذا ميدان التحرير يكمن العودة للهدوء نعم. ميدان التحرير ده شخصية راشدة تستطيع ان تصل الى قرارات. الان هو شخصية تستطيع ان تصل انا اكفل لنفسي. يعني حضرتك بتقول نكفل - [00:29:43](#)

لهم فازا في نحن وهم وحضرتك استاز هم اللي هم السلطة العسكرية القائمة. نكفل لهم السلطة لا لا نعم انا عايز اقول ان الشباب مرة تانية عشان يبقى التعبير واضح - [00:29:59](#)

الشباب اللي خايف جدا من ان هو يسبب اه الا لما المجلس العسكري يمشي لانه الذي قتل وجرح وفعل فلما بنقول له استنى لغاية الانتخابات البرلمانية تخلص مش ممكن يوافق وبيقول مش هينفع الانتخابات البرلمانية. الشباب ده لما دول معنا دول دول - [00:30:14](#)

جزء يعني ده جزء من الموجودين ما فيش ما فيش خلاف المشكلة ضوائر متصلة كتير قوي مع بعض معنا احنا مين ؟ ما انا عشان كده قلت لحضرتك ان الكتلة الموجودة - [00:30:35](#)

في ميدان التحرير اعتبرها كتلة واحدة. عشان معنا ازاى يا استاز حازم يعني النهاردة الناس دي طالبة طالعة بتقول مدنية الدولة الشباب اللي موجودين دولت. حضرتك مع مدنية القضية دي مش مطروحة - [00:30:47](#)

قضية ميدانية ما احنا كنا في وسطهم وبيقولوا المدنية المدنية والدولة المدنية وجايين لنا الشباب بتوع ستة ابريل النهاردة القضية المطروحة الان الا يظل والسلطة بيد من قتل قضية دي القضية الوحيدة قضايا اخرى ينشق الميدان فيها - [00:31:04](#)

طيب انا يمكن انا اسأت التعبير بس قصدي يعني الفكر طبعا لازم يتنوع ما هو الفكر هيفضل متنوع احنا مش تنوع الفكر بس مش دي القضية المطروحة في ميدان التحرير - [00:31:24](#)

في قضايا الناس وهم هو لو حضرتك متصور ان كل من يطرح قضية نقاشية تبقى مطروحة لأ ده كل الناس بيتكلموا في كل الموضوعات دلوقتي انما القضية التي ينحسم بها امر ميدان التحرير الراحل ده قتلني امبارح شل السلاح اللي من ايده واكفل لي ان انا اللي بعد اربعين يوم اقدر ادير - [00:31:37](#)

كويس وحقق مع اللي عمل. لو الكلمتين دول اهو في عبارة بالبلدي خالص قلتها. لو تحققوا هتنتهي القضية نشوف استطلاع الرأي لانهم جهزوه لنا ونكمل مع حضراتكم ان شاء الله تتم في ما عدا برضه عشان نخف اللي احنا فيه ده. ده مع اجراء الانتخابات في وقتها بس مع تأمين الشعب بحيس يبقى فيه حرية في الحركة وحرية في تأدية الرأي - [00:31:58](#)

كل واحد بطلاقة وبصح لازم الانتخابات تتم في ميعادها لان ده بداية تسليم السلطة. لا وانا هفضل تأجيلها في المرحلة الحالية لغاية ما تهدا الامور. لا طبعا في موعدها ده كلام للاسف للاسف الشديد يعني هو كلام سخيف شوية لان ما فيش امن اساسا يخلي الانتخابات تمشي في موعدها. تكون في مواعيدها. بس - [00:32:36](#)

ربنا يصلح الحال. اه طبعا في لأ في مواعيدها عشان عايزين البلد تستقر. هي مش هتتم الشاطين لا يمكن تتم في حالة الفوضى القائمة. لأ المفروض في ميعادها اذا امكن بس في الزروف دي شايفين ان لا يمكن - [00:32:56](#)

اه طبعا اه هي الحل الوحيد لنا دلوقتي. لأ نعم في موعدها طبعا عشان الناس دول هو لو يمكن آ الانتخابات تتم غير مشاكل يبقى ماشي لكن اللي بيحصل ده حرام يعني في ناس بتترمي جنب سبوح الزبالة وناس بتموت وناس دمها سايح هناك في التحرير - [00:33:09](#)

طبعا ده تأجيلها طبعا. لا في وقتها طبعا. وهم دلوقتي اللي بيحصل جوة ده تهريج. فلازم الانتخابات الانتخابات دي تتم هيبقى في مؤسسات بقى مجلس شعب ومجلس شورى. والبلد تتزبط وتمشي - [00:33:26](#)

لا طبعا في وقتها. والله لو كان الامن هياخد وضعه الطبيعي ويحمي الصناديق ويحمي المواطنين ويحمي والجزب والشد بين البلطجية ببتوع الانتخابات مش ما فيش واحد محترم هيروح عشان ياخذ له سكينة - [00:33:37](#)

الوضع طبيعي على الوضع اللي احنا فيه ده اقل ما يجب تأجيلها. لأ انا دلوقتي مع اجراء الانتخابات ان دلوقتي احنا ما نضمنش البلد. لو احنا اجلنا الانتخابات اسبوعين او ثلاثة - [00:33:57](#)

00:34:07

00:34:34

00:37:00

اسلامی اولاً وثانیاً وعاشراً وكل حاجة. احنا - 00:38:10

اسلاميين ومسلمين. وانا بالزبط انا زي حضرتك كده والليبرالية اللي هي نسيم الحريات ان ما فيش ذراع يتلوي ما فيش ضغط على حد دي ليبرالية ما دامت غير متعارضة مع الاسلام وهي غير متعارضة للاسلام عايز بيقول متى استعبدتم الناس. مم. وقد ولدتهم امهاتهم احرارا. يقول له - [00:38:24](#)

حتى لما لقي واحد بيضغط على الثاني لانه الثاني ده وحش قال له يا اخي كذلك كنتم من قبل فمن الله عليكم. اصبر عليه. لا مانع منع الاسلام يكفل الحريات. طبعا. وحتى عندنا عندنا مقطع لطيف كده كان موجود على اليوتيوب - [00:38:46](#) وحضرتك كنت رايع في برنامج من البرامج ولما ما وجدتش المزيعة حضرتك بكل يعني رقة سألت عنها وسألت عن تواجدها موجودة على اليوتيوب يعني معناه ان حضرتك عجبتمك جدا يعني ده طب تيجي تشوف حضرتك مش انا ساكن في مكان لي جيران - [00:39:00](#)

شخص من عائلة ولي قرايب يا استاز هو احنا هو اتجاه اسلامي ده اتجاه اخرج من من العائلات والبيوت والجيران وقاعد في الصحرا ولا في الجبل! ده ناس لهم قرايب وحابيب واصحاب هقول لحضرتك الحمد لله ان انا - [00:39:21](#) لكن اللي عايز اقله ان النهاردة يعني انا رحت عملت لقاءات يمكن من اسبوعين في حزب النور والتقيت ببعض الشخصيات وابن الشباب وطبعا بعض الحاجات ازيغت فوقفت ناس كتير اوي ان انا النهاردة بتكلم على موضوع فلكيت الراجل اخدني لقصة ان الست ما تسوقش العربية انت هتسيبها ازاى تسوقها وتسيب اهل بيتك - [00:39:37](#) ازاى ويعملوا فالناس ابتدت تقول الله ده احنا متوترين من ده. ما انا عايز اقول لحضرتك حاجة احنا لازم نشيل من دماغنا ان ان في دراع مكنة بيتبع بشر. يعني الاتجاه الاسلامي معناه ان الاول زي الثاني زي الثالث زي العاشر ولا الاتجاه اليساري كده ولا الاتجاه - [00:39:57](#)

يميني كده دول بشر كل واحد عنده فيه حيوية حزب النور دول وحشين ما ننتخبهمش انا كنت مبسوط منك انا بتكلم ان هذا الشخص الذي يقول هذا هو شخص ده مش حزب هو بيمثل شخص واحد. وانا ممكن يبقى داخل حزب النور انا مش في حزب النور يعني بس داخل حزب النور - [00:40:16](#) اكون لي رأي كده حزب النور بتقول رأي اخر الرايين موجودين موجود على فكرة الهيئات العليا للحزب وانا طبعا تاريخي من الصغر ان انا شفت اجتماعات للهيئات العليا لحزب كثيرة من ضمنها الوفد والتجمع والاحرار اللي والعمل وغيره - [00:40:42](#) دول مش ده اتجاه واحد بتشوف اللقاء عبارة عن خناقة ومناقشات ولقى ليه؟ لانه ما فيش مطبعة بتطبع بشر. دي ده حيوية فما فيش ما حدش يخاف. وانا انا عندي لحضرتك اسئلة كتيرة اوي بس ايه لما كده ندخل نسخن على انتخابات الرئاسة لازم تيجي بحضرتك وتعرض لنا برنامجك - [00:41:04](#)

كلنا ده وهنبقى سعداء ان احنا نعمله لكن طبعا الزرف مش سامح لنا اننا في كل ده. طيب. عايز اقول النهاردة احنا الخميس بالليل انتصف ليل الخميس خلاص بالزبط دلوقتي وفي بكرة - [00:41:24](#) المفروض مليونية موجودة في ميدان التحرير وهناك دعوة لمليونية اخرى لدعم المجلس العسكري. المجلس العسكري طالب بعدم اقامة هذه المليونية الثانية هل حضرتك عندك خوف من صدام شعبي يحصل بكرة؟ ما فيش حاجة اسمها طالب بعدم اقامة. المجلس العسكري عليه ان يتحمل لا لا هو طالب - [00:41:41](#)

بتاعته انا فاهم. انا فاهم المجلس العسكري اصل احنا مش هنهز ثاني المجلس العسكري من حداثر فبراير لغاية النهاردة كان يجب ما فيش حاجة اسمها مسئولية مش عارف آآ آآ عشان تأييد مبارك والعودة ثورة قامت وانتهت نظام - [00:42:00](#) كان عليه ان يحرس ما الت اليه الامور ما فيش دي مش حريات ده اصبحت امن قومي للبلد انك تعمل آآ آ وعليه الا تحدث فورا مش عايزة كلام مضادة لهذا ابداء. والا هو المسئول - [00:42:20](#)

شف هو باعت فتنة الاستفتاء يقول لك ايه الا ما لم تستفتي الشعب دي فتنة ولعبة وهو اللي راميها وراميها ومنزل لها ناس في الميدان بيروجوا لها علشان يعمل فتنة. طب الله واحدة بقی. ها! ده الميدان مش كتلة واحدة. الميدان كتلة واحدة ما عدا مرسلهم

اللي بقول لحضرتك مبعوتين دول موزفين. هم - [00:42:38](#)

موزفين مبعوتين بيعتوا فتن. يقول لك نعمل استفتاء نوذي مجلس ما انا ما بقولش للي بيقول مجلس رئاسي مدني تبعهم. انا بقول انهم ناس صادقين ولكن مضحوك عليهم. اه ومخلصين ولكن اه مش واخدين بالهم من ان الفكرة دي هي الحاجة اللي هتفتح -

[00:42:58](#)

الفتنة الجديدة اللي تعيش المجلس العسكري زي ما هو بدل السنة سنتين وثلاثة عشان كده احنا لازم نقفل دلوقتي مزبوط انا عندي

بعد اربعين يوم وبعدين اللي بيقوله الاتجاه الاسلامي له شعبية ما باقولش لحضرتك ان ده معناه ان الشعب بيؤيده - [00:43:18](#)

بينزلوا الشارع يغيروا الشعبية دي وياخدوا همة شعبية. انا عندي حزب زي حزب التجمع على سبيل المسال موجود من سنة ستة

وسبعين خمسة وتلاتين سنة حزب الاحرار من ستة وسبعين خمسة وتلاتين سنة. حزب الوفد من - [00:43:35](#)

ثمانية وسبعين ثلاثة وتلاتين سنة. حزب لما بعد ده كله يقول لي سبني شهر ولا شهرين ويطلع احد رؤساء الاحزاب اللي آآ يقول وقف

الانتخابات تعطل وطن كامل عشان انت ثلاثة وتلاتين سنة ما كفوكش تجهز. ايه ده - [00:43:48](#)

فاحنا الان امام كتلة وطن مش عايز يحصل قتلى وجرحى فعايز يخلص بعد اربعين يوم وعايز يعمل انتخابات رئاسية. هم. يبقى فيه

رئيس منتخب. برلمان منتخب سلمت السلطة رجع سلاح الناس لادين الناس مش لادين القتلة اللي بيقتلوا الناس. طيب. في كلام

اتزانا من كده. وخصوصا انك بتتكلم عن ست اشهر لقدام - [00:44:04](#)

ايه ده عايزين نقعد ايه اكثر من كده ؟ لأ كلمني حضرتك عن كمان اتناشر ساعة كمان اتناشر ساعة زي دلوقتي ما فيش مليونيات ايه

هي الناس مليونيات من دلوقتي وامبارح - [00:44:27](#)

الناس خلاص لم لن تعود وانا ساساهم في انها لا تعود سوف تساهم في عزم مختلفة. انما ممكن اساهم انها تعود. اقول له شل السلاح

بس من ايد الراجل اللي قتلني ده. اهو. ولسه - [00:44:38](#)

السلاح في ايده. ولو انا رجعت هيقتلني تاني. شل السلاح عشان ارجع. على المشير حسين طنطاوي والفريق سامي عنان. وبالمناسبة

هم شيء واحد. محل لانهم بدأوا بيعتوا ان ده فيه جوة الجيش مش عارف ايه بلاش كلام فارغ. ما احناش لسة ما وصلناش للسزاجة

دي - [00:44:53](#)

هم شيء واحد عليهم بيعتوا يشيلوا السلاح من ايد اللي قتلوا الناس امبارح واول امبارح اول ما يعملوا كده تنتهي الفتنة. مش

راضيين يعملوا كده تظل لان الناس ما اقدرش اقول له رح اتقتل مرة ثانية ابدا - [00:45:10](#)

طيب هسأل سؤال ارجوك ما تستقلش دمك بحاول يعني يعني حضرتك بتقول انا لا يمكنني ان اطلب من الناس ان تعود ولكن

يمكنني ان اسهم ان اسهم في عودة الناس ازا تحقق كذا وكذا. بالزبط - [00:45:23](#)

هل حضرتك شايف ان لديك من الناس اللي موجودة في الميدان كلهم اتحركوا نزولا وخروجا وحضرتك طبعا لما دعيت لمليونية يوم

الاجابة لأ. ما ليش سلطة. خلاص ولكن انا واحد من هذه الكتلة - [00:45:42](#)

اللي اول ما الناس وخمسين واحد زي ما الداخلية قالت قتلوا. كنت مع الناس اللي اثارتهم الدماء ما اقدرش اسيب انا عندي حديث

للسلوة عليه الصلاة والسلام بيقول لا يقفن احدكم موقفا يضرب فيه رجل واحد بس رجل ظلما يضرب مش يقتل - [00:46:02](#)

فان اللعنة تنزل على من حضره حين لم يدفعوا عنه انا واحد من كتلة الناس ده نمرة واحد وبالتالي زي الناس والناس بيصدقوا

بعض ما دام الاخلاص موجودة. نمرة اتنين - [00:46:21](#)

الاتجاه الاسلامي اللي بيتكلموا عنه ده. سمعت حضرتك عن من قيل ان هو زابط امن دولة عقيد واتمسك في التحرير واتضرب واتقتل

وما اتقتلش واتضرب يعني ان هو راجل على المعاش. وما الى ذلك وعلى المعاش بس من الداخلية - [00:46:34](#)

لا ده لغاية ديسمبر الفين وعشرة السابق سابقا ايوه بس تشرفني ما دي وثائق هم اللي بيقولوها هو اللي قالها الراجل. ويقول زي ما هو

عايز. مم اما بيقول يقولوا زي ما هم عايزين واحنا مصدقين ان دول كزابين سنة وعشرة وعشرين وتلاتين - [00:46:47](#)

سلطات كذابة مجرمة. يعني يعني شايف ان هو عامل يعني او مش عامل لكن المهم داخل ولا المترو ومعاها سلاح سلاح فيه رصاصات

ومعه خلاص؟ والراجل ده حصل كده والثوار كانوا عايزين يقتلوه - 00:47:04

مين اللي خلصه؟ مين اللي وصله الاسعاف؟ قيل واحدة ست. لا يا فندم مش واحدة ست. هم بتتوع الاسلام هو الحل. وهم بتتوع اسلامية اسلامية. بتتوع جمعة قندهار هم اللي دخلوا وخرجوه واصروا انه يركب عربية الاسعاف وسلموه علشان يعالج ويلقى الناس اللي بيتندروا عليهم. والثوار المطلقين من الفكرة - 00:47:22

الاسلامية هم اللي كانوا موجودين رافضين ان هو يركب ادي الشريعة الاسلامية هي اللي دخلوا جوة مسجد عمر وفيه على فكرة رموز اعلامية وسياسية كبيرة شهدت هذه الوقائع. هم شهدت الواقعة دي شهود عليها - 00:47:42
دخلوا الى المكان اللي كان محتجز فيه جوة عمر مكرم في العيادة الطبية. واخدوه بالعافية وخرجوه في حراسة وركبوه الاسعاف وسلموه علشان للسلطة علشان يعالج اللي عملوا كده هم اللي بيتندروا عليهم يقول لك اسلامية واسلام هو الحل بص هقول لحضرتك مبدأ ان حد يتندر - 00:47:58

الاخر ده مبدأ يعني انا اعتقد انه مبدأ مسيء يعني في احدى الحلقات جمع احد الضيوف قال جمعة قندهار وانا قلت له يعني ايه جمعة قندار وده كنت يعني عايز اعرب فيه عن ان انا ما احبش اسمي الحاجات بالتسمية دي. كم الانتقادات اللي جات لي على الانترنت اللي موجودة - 00:48:18

اني قلت ايه هي جمعة قندار فحضرتك فيه توجه عام انك لو عارض المزاج العام الناس طب اديني بقول لحضرتك اهو ان هم دول والشهود موجودين ليبراليين ويساريين واعرفهم بالاسم - 00:48:39

هم دول اللي انقذوا الرجل ظابط امن الدولة اللي جاي يقتلهم وهو خصمهم وهم خصوم الرئيسيين لامن الدولة والامن حضرتك حكمت عليه ان هو جاي يقتلهم انا باقول لحضرتك انا قلت انا قلت تعبير دقيق قلت الذي قيل انه كذا وكذا وكذا. يعني هم رأوا فيه هذا الخطر ورغم ذلك - 00:48:55

رغم انهم ضابطين سلاحه في ايده وظابطينه برصاصاته كارنيهه ومعهم اعترافات وكل حاجة. قيل هذا انا هتشرفني. انا بقول لحضرتك ذكرت كنت دقيق في التعبير. هم. وبرغم هذا هؤلاء اللي اتقال عنهم هم اللي شفتهم وهم عاملين له حراسة علشان يودوه واللي اتقلب واللي بيهاجمهم مين بقى اللي بيهاجمهم الاتجاه الاخر يقولوا لهم انتم هربتوا - 00:49:16
امن الدولة اللي هو الليبرالي ليكن ما عرفش هو مش ليبرالي الحقيقة هو اتجاه كده مش عايز اتكلم عنه يعني لكن اصل الليبرالية انا عايزة واحدة اهو بقى لأ لأ ده ده كتلة ما انا قلت لحضرتك من شوية. انا قلت لحضرتك بشر لكن في القضايا الفرعية - 00:49:41
مم. قضايا صغيرة. مم. ايوة بيختلفوا في الاراء. مم. نسلم عقيد امن الدولة ده ولا نخليه معانا. مم. كذا انما الميدان كتلة واحدة نعم وستري. مم. ستري لو تحقق انت حضرتك بتقول لي لو تحقق كذا وكذا. ايه كذا وكذا؟ اهو عشان يبقى واضح عشان يتحسب علي. انا عايزه يتحسب علي. نمرة واحد - 00:50:00

نمرة واحد مش اعلان لأ ان يصدر القرار الرسمي اللي له رقم وينشر في في الجريدة الرسمية. هم. بدعوة الناخبين لانتخاب رئيس في مدى زمني لا يجاوز اخر ابريل ويبدأ التقديم بعد انتهاء مجلس الشورى فمرفوض ثلاثين معلىش - 00:50:19
عشان اقول لحضرتك الميعاد يعني. لو ثلاثين يونيه هتبقى فيه ضمانات اخرى لازم لانه زي ما قلت لحضرتك الفقرة اللي انا فاهم وهم فاهمين فمش عايز اقله عشان ما افتحش باب فتنة بس يعني حفاظا على الهدوء العام. انما لو عايزين هتبقى فيه ضمانات تانية لازم تقدم - 00:50:41

ده نمرة واحد نمره اتنين لجنة قضائية فضائية ومرة تانية بالنون اللي حضرتك بتسأل عنها احنا اللي نختارها لجنة قضائية هي اللي تشرف على وزارة الداخلية مش على كل وزارة يفضل فيه وزير الداخلية ويفضل فيه مجلس اعلى للشرطة - 00:51:00
بس تحركات قوات مكافحة الشغب. القوات اللي ماسكة سلاحا احنا في ايديها وللإعلام وللمراسيم والتشريع اللي بيصدر وللتنصيف المحكوم عليهم عسكريا سواء زباط او مدنيين او غيره. والاقرار بانتهاء حالة الطوارئ ما اقروش لغاية دلوقتي ويقول لك ايه؟ منع الاحالة للمحاكم العسكرية الا في - 00:51:18

الحالات التي نص عليها قانون القضاء العسكري. يا راجل يا راجل انت فاكرني وصلت من السزاجة طب ما هو اذا العسكري الذي تذكره هو الذي عدله حسني مبارك قبل شهور قليلة من مغادرته الحكم علشان يجعله صالح انه ييلع اكثر مما هو فيه. لأ يعني يعني يا استاز حازم واحنا - [00:51:43](#)

من جيل واحد من زمان قوي ان من يعتدي على عسكري فيحاكم عسكريا. جميل قوي بس مش ده كل اللي في القضاء العسكري. يعني المادة ستة من قانون القضاء العسكري - [00:52:07](#)

ازن ما اعرفش انت ايه اللي يدخل على الانترنت يشوفها مش ده كل اللي موجود هو بيلعب بالكلام قانون القضاء العسكري ما فيهبوش ده بس فيه ده وغيره. هم في ده وغيره فهو لما بيقول الا ما هو موجود في القضاء العسكري عايز ناس انا رجل قانون انا ده عملي انا فاهم هذا الكلام. اكيد - [00:52:19](#)

والنقطة الثانية الاخطر يقول لك وسوف قبل البيان الاخير وسوف نلتزم بخارطة الطريق. ايه هي خارطة الطريق؟ هو انت اصدرت حاجة اسمها خارطة الطريق؟ ما هو طلع بعد ايه ده عدل بقى بعد وقال حط بعد كده مجموعة من التفاصيل لما جاء في كلمة المشير - [00:52:38](#)

هي طبعا التفاصيل كلمة المشير دول الاثنين للاحقين انما قبلها بيوم كانوا قال حكاية خارطة الطريق يقول لك وسوف نلتزم بخارطة الطريق هو اصلا ما اصدرش حاجة اسمها خارطة الطريق. هم - [00:52:56](#)

انت اللي مطلوب منك يضحك عليك وخلاص لأ انا عايز اوجه كلمة مخصصة وصادقة لهدنة هذا الوطن. دلوقتي الوطن ممكن يهدأ قبل بكرة الصبح على فكرة وانا انا بقول لحضرتك انا كفيل بهذا مش ان انا عندي لأ خلاص يعني احنا احنا بنقول احنا نرجو ونأمل. اه شخص هيكون عنده هذه القدرة - [00:53:09](#)

انا سعيد به انه يبجي من خلال هذا البرنامج وبيجي ان احنا نطلع نقول اننا نفتخر ان الهدوء عاد الى مصر بسبب كلمة قالها في نادي العاصمة اتفضل. اذا اذا ما استجابوا اذا ما استجابوا الى النقاط التي - [00:53:29](#)

في الصميم في الصلب اللي طالبيها الناس مش اللي هو يقول لك شلني عصام شرف وجينا كمان الجنزوري. حلو قوي بس مش ده الموضوع. خالص آآ هنعمل كذا مش ده الموضوع. يشوف الخط الرئيسي يخلصه الان بكرة صدقني. بكرة الصبح. اه - [00:53:45](#)

ستكون مصر هادئة وستحقن الدماء. وما حدش هيروح لا شارع محمد محمود ولا ميدان التحرير ولا اسكندرية واللي بيجري فيها دلوقتي خالص واللعبه والاوراق كلها في يد السلطة العسكرية وتستطيع ان تفعلها الان - [00:54:03](#)

انما نحن نريد هدوء الوطن ونريد ان نكفل للانتخابات البرلمانية كل الاجواء لانها مصلحتنا ان يتشكل حكومة يختارها الناس حتى معيبة يا استاز اسامة حتى لو معيبة شوية. يعني لو برلمان معيب شوية ولا حكومة بس هات رئيس يخاف مني - [00:54:18](#)

الرئيس يبقى عارف انه في اليوم اللي هينتخب فيه النهاردة قدامه اربع سنين ويترمي برة لو ما فضلش مرضي للناس الرئيس يبقى عامل حسابي لو ما اعيب شوية وتتصلح بعد شوية حرام نفسنا وطن يشم ريحة ان اللي هو مختاره هو هو اللي بيحكمه - [00:54:36](#)

بنيامين نتنياهو نزل يقابل جلاعات شليط لانه عارف ان البني ادم اللي احنا شفناه اللي ما لوش لازمة ده بالنسبة له يساوي اصوات انما هنا لما جم الاسرى مش اسرى حتى السجناء المصريين اللي طلوعوا اللي قابلهم المحافظ هناك وخلاص. هم - [00:54:57](#)

خمسة وعشرين شخص قابلهم المحافظ ليه؟ ما فيش حد يهमे ان حد يرضى ولا يتبسط عنه نفسنا بقى ان البلد زي الفرنسيين والالمان لو كنت حضرتك رئيس مصر في الوقت ده كنت طلعت قابلتهم - [00:55:15](#)

قابلت مين خمسة وعشرين سجين مصري اللي تم ده. انا ما كنتش اعمل الصفقة دي اصلا صفقة لتهديب الجواسيس ومش جاسوس ده جان جاي يحرق البلد وجاييين بداله خمسة وعشرين واحد واحد منهم متهم بتهديب روسيات في قضية دعارة - [00:55:31](#)

واحد منهم متهم بمخدرات ما كانش ينفع يتقابله اصلا. لأ مش يتقابله لأ قابله دي جزءية فرعية. مم. اللعبة دي ده يبقى لي سبعين سبعين سجين مصري عندهم اقوم اقسطهم واقول له هات خمسة وعشرين وخد الجاسوس الاول. وبعدين هات خمسة وعشرين

وهديك الثاني ولسه شايل الباقي للجواسيس الجاييين - [00:55:49](#)

اودي اللي كانوا جايين يحرقوا مصر اسلمه لهم هدية من غير محاكمهم في مقابل خمسة وعشرين واحد كان اتحكم عليهم وقضوا فترات الاحكام الولد اللي اتسلم ده يعني معزم الناس كانت بتشكك اصلا في كونو جاسوس. وانا كمان باشكك. الله! ما حضرتك لسة بتقول جاي يحرق مصر! انا جايب هو للاخر باقول لك فاذا - [00:56:13](#)

تجري تحقيقا قضائيا محترما تصل فيه الى نتيجة ثم بعد ذلك نتكلم انما تقول لي اصل بيقولوا انه مزلوم. اصله بيقولوا انه جاي يحرق مصر. لا ما يقولوا ليه. ما عنديش جهات اجريت مع تحقیقات اكيد يعني - [00:56:33](#)

عبدالمجيد محمود قعد يجري معه تحقیقات من شهر سبعة لغاية ما سلموه مش عارف شهر في شهر عشرة. عشرة. هم ثلاث شهور تحقیقات وصلت لابه؟ ما قالش. ومش هيقول وطول ما انتم سايبينه مش هيقول - [00:56:51](#)

يا بيه احنا في حالة كرب انت عايزني افضل سايب سلطات التحقيق في ايد دول والداخلية في ايد دول والكلام ده في ايد دول. وافضل اقول عايزين نهدي مصر. ما هي مش هتفضل الا في ايد لا دول ولا دول ولا - [00:57:05](#)

لو سارعنا اننا يبقى عندنا مؤسساتنا. رائع. اللي موجودة انا متفق مع حضرتك. فدي قضيتي. ومتفق يعني اعتقد ان ان احنا معزم النقاط متفقين عليها وعلى رأسها اننا لابد اننا يكون عندنا الانتخابات البرلمانية في خلال الايام - [00:57:18](#)

القليلة القادمة واننا نصل الى نقاط تسمح لهذه الانتخابات انها تحدد وتحسب بشكل يعني طيب وتفرز من تفرز لانها لن تفرز الا مصريين. هتفرز خواجات. واسمح لي بقى بكلمة مهمة اقسم لك بالله العلي العظيم - [00:57:34](#)

والله لو انا رئيس حزب الاخوان المسلمين او رئيس حزب السلفيين وهخسر الانتخابات البرلمانية اللي هي هتجري يوم الاثنين يبدأ اجراءها يوم الاثنين الجاي دي. مم وعارف كده اقسم لك بربي - [00:57:51](#)

ان انا كنت هصمم ان تجري هذه الانتخابات ده شرف طرف يعني ده ده شرف الانسان انه يسلم البلد لاهلها حتى لو هو اقلية. هم والشريف الان هو اللي عارف انه هيكسر الانتخابات ويصمم على اجراءها - [00:58:11](#)

ده شريف ليه؟ لانه بيقول انا ما عنديش حظوة كبيرة في الشارع بس خلوا البلد تبقى في ايد اهلها فخلونا تعالوا الى كلمة سواء كلمة الشرف ان نظل شرفاء وان يتسلم بلد اهلها ولعلم حضرتك - [00:58:27](#)

لو اعلم انه الحل في اني انا اخرج كلية حتى من مسألة الانتخابات الرئاسية دي. مم. في سبيل انه يتم انا مش بقول كده ان انا عايز اعمل دي فكرة جاءت نبت الحوار - [00:58:42](#)

عشان بس ما حدش يتاجر علينا بكرة في اصل دلوقتي اي كلمة بتتقال على تويتر دلوقتي مبعوت دلوقتي اللي هتقوله دلوقتي حالا تويتر لا صحيح حضرتك بتقول يعني احنا بنقول القصة اللي هي طبعا معروفة اللي هي قصة سيدنا سليمان والسيدة التي اتت اليها او - [00:58:55](#)

الي راحوا له وكان معهم الطفل وكل واحدة فيهم بتدعي انه ابنها فاللي كانت ملهوفة عليه هو عرف منها. الله يكرمك يا شيخ. رائع الله يبارك فيك يا سلام! الست اللي قالت خدوا خدي انت ابني. هم - [00:59:15](#)

عشان ما يتقتلش. دي كانت امه الحقيقية. هم النهاردة اللي يقول يا شعب خد امورك حتى لو فيه عيوب ما انا شايف ان فيه عيوب وشايف اني هسقط بس اخلص في الموضوع ده. وانا قلت الكلام ده على فكرة مش افشاء لسر - [00:59:32](#)

انما في اسناء اجتماعات مرشحي الرئاسة قلت لهم انا باحرص على انه الانتخابات تجري سريعا مع انه مصلحتي الشخصية ان هي تتأجل. اخد وقتي يا اخي الناس يتعرفوا يعرفوا في ناس اعلنوا قبلي بسنة - [00:59:47](#)

سنة ونص يعني فادوني وقت فلكن الفكرة انه كده الشرف الان ان تسلم البلد لاهلها بصرف النزر انت هتفوز ولا لا وسيظهر الشريف الذي يقول انا مع اجراء الانتخابات برغم ان انا شايف ان انا ما نيش آآ - [01:00:01](#)

طيب يعني التصريح اللي قاله او ما قالوش اوي الاستاذ حازم اسماعيل ان هو لو كانت مصلحة البلاد الا يرشح نفسه في انتخابات الرئاسة فهو يعد بانه لن يرشح نفسه. اذا كان ذلك اذا كان في صالح البلاد. اه ده تصريح الاستاذ اسامة وارجو ان تحفزه على تويتر -

[01:00:19](#)

استاز حازم يعني انا اولاً طبعاً اتشرفت بان انا قعدت انا اللي متشرف والله. وطبعاً انا انا طبعاً هذه الصداقة اللي بينا اللي نشأت
النهاردة اعتقد انها هتزعل ناس كتير قوي - [01:00:39](#)

مني اللي واخدين الاتجاه الثاني ليه بس هو انا اتجاه ايه ؟ نفس الاتجاه. انت جاي الاولاني. انا لا بتاع انا لا على فكرة احنا نفس
الاتجاه. احنا اتجاه الاسلامي ده ما لوش اي والله - [01:00:54](#)

صدقني ما لوش اي خصوصية عن عموم الشعب المصري خالص ما بيقولش حاجة اكثر اللي بيقولوها. عارف عارف يا استاز اسامة لما
بييجوا يهاجمونا او يهاجموا يهاجموني انا حتى خليني علي - [01:01:06](#)

بيهاجمني بما بما لم اقله لانه مش لاقى في اللي انا بقوله حاجة اتهاجم عليها. يقول لك دول اللي بيقولوا كذا واحنا ما بنقولش بيألف
من عنده تأليفة وبقولها زي مسلاً حكاية السياحة اللي تسألنا فيها خمس تلاف مرة دي - [01:01:17](#)

برنامج رائع لتعظيم دخل السياحة بالورقة والقلم وبالارقام الى تمن اضعاف عن اعلى نسبة وصلت له. مش في الموضوع ده مجرد
مثل. انا عايز اقول انا كده انا كان معي هنا في البرنامج المتحدث الرسمي حزب النور وقال لك يا اخي يعني انتم عايزين سياحة
العري - [01:01:31](#)

احنا هنعمل السياحة التعليمية والسياحة العلاجية الحقيقة يعني على كل حال ربعمية مليار جنيهه محطوطين في في سياحة
الشواطى. لأ بس لحظة لحظة ممكن يكون رأي غير رأي حضرتك غير رأي فلان ما انا بقول لك عن رأيي انا. فحضرتك رأيك فلأ ما
هو انا مش هتكلم في الموضوع ده. انا الوقتي اللي مدخله هو لو في كل مرة هم انا بستنكر عليه - [01:01:54](#)

انهم ما عندهم مش غير الموضوع ده بس بقول لحضرتك بيتركوا الجانب التنموي. هم التقني المهني الحرفي الرائع وما قدامهم مش غير
الحثة دي. ليه ؟ لانه عايز يصرف الناس عن ان فيه اتجاه تنمية اقتصادية هائل يضاعف دخل البلد الى تمن اضعاف - [01:02:17](#)

كاملة من مجال السياحة بس. فما بالك ببقية المجالات انما ما فيش ما فيش خصوصية. الاتجاه الاسلامي لا يريد من الاسلام الا الحد
اللي كلنا متفقين عليه اللي بتوع حزب الوفد والتجمع متفقين عليه. يعني انا مش عايز اسلام اكثر من اما تيجي على اي واحد في
الشارع تقول له تعالى هو ده حرام ولا حلال ؟ يقول لك اه حرام خلاص مسألة مبسطة - [01:02:37](#)

ما هو الحرام والحلال هم هم الخطأ والصواب هم هم العيب وغير العيب هم هم اللي بتقبلهم الاصول هي اللي بتقبلها كل الاديان بس
يعني هي الفكرة كلها زي ما هستخدم بعد اذنك الكلمة بالانجليزي هي كلمة - [01:03:01](#)

ازاي بحطها فاخيف الناس او ارحب الناس ما هو اللي بيخيف ده انا رائع الحقيقة الكلام اللي حضرتك بتقوله ده هو الخلاصة فعلاً اللي
بيخيف الناس ما شاء الله مش كلمات واحد زيبي - [01:03:18](#)

الكلمات التي تزور وتزعجهم هم بيخوفوا الناس هم. يعني خصمي بيألف كلمة يخوف بها الناس مش انا اللي قايلها. انما لما بتسمع انا
كلام عظيم قوي. ليه ؟ لان الكلام ما فيش حاجة تخوف. مش ممكن - [01:03:34](#)

مش ممكن ابدأ تضغط على حتى حد مسلاً يعني واحدة مسلاً متبرجة ولا وبتشتغل موزفة وكذا هم عايزين يصوروا للناس ان
الشوارع هتبقى مختلفة تخويفا على ما انت حضرتك سميتها متبرجة - [01:03:51](#)

ده ربنا لو انا مسميها. اه. على فكرة هو انا مش بالف حاجة ده ده الناس اللي بيقولوا. ما هو اصله ده ده اسمه الحجاب وده اسمه
ده اللغة العربية وده الشعر هو اسمه كده. انا ده اسمه حسن وده اسمه حسين. المسألة يعني ما فيهاش - [01:04:09](#)

اللي انا عايز اقله ان ان شاء الله احنا نريد ان نصل بالبلد الى انا كنت بقول الكلام ده بمناسبة الانتخابات ان لو ان الامور هدأت كلنا
في اتجاه واحد فعلاً - [01:04:25](#)

صدقني كلنا رأي واحد الاتجاه الاسلامي ما لوش حاجة زيادة مش هيعمل حاجة بالعكس سعادة الناس وخيرهم ومعايشهم وحررياتهم
وشعورهم بعدم الضغط وكل ده متوفر. فلذلك ان شاء الله ارجو ذلك. انا ندائي الذي اوجهه الان الى المشير حسين طنطاوي والى

الفريق سامي عنان وهم اتنين بس. وانا عارف القضية معهم هم - [01:04:37](#)

انتما بيدكما الان انكم تهدوا البلد قبل الصباح اعملوا معروف استجيبوا لما قلناه سواء من تحديد الانتخابات الرئاسية بقرار وليس

بكلام في كلام في كلام علشان الناس تتأكد من تسليم السلطة - 01:05:03

ارجوكم وافقوا على الا تتحرك القوات التي بيدها سلاح الا بلجان قضائية. ارجوكم حققوا مع ما يرتكب هذه الامور. وبعد ذلك كل المسائل تعتبر حواشي انما اياكم وارسال فتنة الاستفتاء وفتنة المجلس الرئاسي - 01:05:21

فتنة المحكمة الدستورية مش احنا نشكل حكومتنا كشعب مصر ان شاء الله في بعد اقل من اربعين يوم او خمسة واربعين يوم.

واسأل الله عز وجل التيسير يا رب العالمين - 01:05:40

حازم صلاح ابو اسماعيل المرشح المحتمل لرئاسة الجمهورية. يعني في دعائك الاخير اضم صوتي لصوت حضرتك ونرجو ان تهدأ الامور وتنصلح الامور وينصلح الحال حال البلاد والشعب ناس ونرجو ان حضرتك تكون فعلا زي ما وعدت ان تكون عاملا مساعدا على

تهدة - 01:05:53

والمساعدة في ان يذهب كل من يذهب الى بيته وهو مجبور الخاطر. يا رب ما لم يحدث هذا لن انطق بكلمة في مجال لأ ما اقدرش

اقول لواحد روح اتقتل ثاني ابدأ - 01:06:16

يبقى واضح فانا اعمل للتهدة ان شاء الله بشروطها. اذا تحققت اهلا وسهلا ما تحققتش او هم والشعب بقى يتصرفوا سواء والناس

لن تهدأ ولن تعود وانا لا ادعو احدا ان يعود من الميادين الا بهذه الشروط - 01:06:29

بشكر حضرتك على هذا اللقاء ولتتقي بحضرتك ان شاء الله على خير والامور تكون افضل بكثير مما هي عليه في هذه اللحظة وفي

هذه الليلة امين يا رب اشكرك فاصل ونرجع لحضراتكم - 01:06:45